

Timersorneq pillugu Siunnersuisartoqatigiit pillugit Namminersornerullutik Oqartussat nalunaarutaat

Kulturimut atuartitsinermullu tunngasut siulersorneqar nerat pillugu Inatsisartut peqqussutaanni nr. 8-mi 7. maj 1988-imeersumi § 1, imm. 2 naapertorlugu aalajangersarneqarput:

§ 1. Naalakkersuisut Inatsisartunut nutaamik qinersisoqareernerit tamaasa Timersorneq pillugu Siunnersui sartoqatigiinnik Naalakkersuisunut suliassani timersor nermt tunngasuni siunnersuisuusussamik pilersitsisassapput.

Siunnersuisartoqatigiit suliassaat

§ 2. Timersorneq pillugu Siunnersuisartoqatigiit Naalakkersuisut suliassani timersornermt tunngasuni tamani siunnersortarsinnaavai. Siunnersuineq pisassaaq apeqqutinik saqqummiussiffigineqarnerni imaluunniit siunnersuisartoqatigiit namminneq sulissutiginninnerisigut.

Imm. 2. Timersorneq pillugu Siunnersuisartoqatigiit siunnersuusiortassavai nunatsinni nunanilu allani timersornermt tunngassutigut iliuusissanik pingaarnersiorlugit tullerriaarisarnissani periaaserineqartartussat.

Imm. 3. Timersorneq pillugu Siunnersuisartoqatigiit siunnersuusiortassavai aningaasat Kultureqarnermt, Ilinniartitaanermut Ilageeqarnermullu Pisorta qarfiup timersornermt tunngasunut atugassarisaasa qanoq agguanneqartarnissaannut maleruagassat.

§ 3. Timersorneq pillugu Siunnersuisartoqatigiit § 2 malillugu suliainik ingerlatsinermini qularnaallissavaa timersornerit kikkunnit tamanit ingerlanneqartut, innarluutilinnit ingerlanneqartut pillammannullu inger lanneqartut tamarmik ilaatittarnissaat.

Siunnersuisartoqatigiit ilaasortalersugaanerit

§ 4. Timersorneq pillugu Siunnersuisartoqatigiit ilaasortarissavai:

1) Ilaasortat marluk timersuutitut kikkunnit tamanit ingerlanneqarsinnaasunut attuumassutillit Kultureqarnermt, Ilinniartitaanermut Ilageeqarnermullu Naalakkersuisumit toqqakkat.

2) Ilaasortat pingasut Kalaallit Nunaanni Timersoqatigiit Kattuffiannit qinikkat.

3) Ilaasortaq ataaseq Kalaallit Nunaanni innarluutillit timersoqatigiiffisa kattuffiannit qinigaq.

Imm. 2. Kalaallit Nunaanni Timersoqatigiit Kattuffiata aamma Kalaallit Nunaanni innarluutillit timersoqatigiiffisa kattuffiat siunnersuisartoqatigiinni sinniisuutitassaminnik qinersinermut malittarisassatik namminneq aalajangersassavaat.

Ataatsimiinnerit, suleriaasissaq missingersuutillu

§ 5. Inatsisartunut nutaamik qinersinerup kingorna ataatsimeeqqaarnermi Timersorneq pillugu Siunnersuisar toqatigiit siulittaasumik siulittaasullu tullianik ilaasortami akornannit qinersissaaq.

Imm. 2. Timersorneq pillugu Siunnersuisartoqatigiit ukiut tamaasa inunnik suliaassanut aalajangersimasunut inuttaliussassanik nutaamik qinersisinnaavoq.

§ 6. Timersorneq pillugu Siunnersuisartoqatigiit ukiumut ikinnerpaamik marloriarlutik ataatsimiittassapput.

Imm. 2. Kultureqarnermut, Ilinniartitaanermut Ilage eqarnermullu Pisortaqaarfik Timersorneq pillugu Siunner suisartoqatigiinnut allattoqarfiussaaq.

Imm. 3. Timersorneq pillugu Siunnersuisartoqatigiit suleriaasissartik namminneq allajangersassavaat.

Imm. 4. Timersorneq pillugu Siunnersuisartoqatigiit ataatsimiittarnissaminut ukiumoortumik aningaasartuutissanut missingersuusiortassaaq allattoqarfik peqatigalugu.

Atulerfia

§ 7. Nalunaarut una atulerpoq 1. december 1995.

Ikaarsaariarnermi aalajangersakkat

§ 8. Peqqussut atulerpat piaartumik qaammallu ataaseq qaangiutsinnagu Timersorneq pillugu Siunnersuisartoqatigiit qinigaaffimmi matumani atuuttussat pilersin neqassapput.

Imm. 2. Kalaallit Nunaanni innarluutillit timersoqa tigiiffisa kattuffiannik pilersitsisoqarserlugu timersoqatigiit innarluutillit siunnersuisartoqatigiinni sinniisorisassaat toqqarneqassaaq Nuummi innarluutillit timersoqatigiiffiannit, NIT-imit.

Imm. 3. Timersorneq pillugu Siunnersuisartoqatigiit pilersinneqarneranut peqatigitillugu Timersorneq pillugu siunnersuisartutut ataatsimiititaliaq atorunnaarsin neqarpoq.

Namminersornerullutik Oqartussat, ulloq den 1.december 1995

Konrad Steenholdt

/

Karl Kristian Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut